

郝文忠公文集卷之七

和陶

飲酒

順適皆坦途忘幾信所之天地與化遷焉能獨遠時酒中
有深趣真樂良在茲痛飲忘形骸物我兩不疑每笑蘇學
士漫把空盃持

謝安曠達士携妓遊東山蒼生如我何勸我真狂言樽中
酒常有縱飲當窮年此樂醉者知難為醒者傳

道在孟杓中有物都無情一醉還天藏豈將飲為名嗟嗟
羈人勞勞失此生自著微墨纏仍因寵辱敬馬枯腸歸高

岡渴死竟何成

武帝燒黃金玉殿紫煙飛
終下輪臺詔創然徒傷悲
侈心與物競詣絕無所依
血氣有壯瘁困憊終還歸
醉鄉萬事和悠悠無盛衰
有酒當共飲獻酬莫相違

好酒無惡客合席語喧喧
銜盃相爾汝共醺何黨偏
秋月流金樽春風頽玉山
便作無懷民坐使唐虞還
酒盡任去留醉眠都無言

詩因酒更多頁境發精英
爛慢醉後言舉是醒時情
百川飲長鯨千觚都一傾
我亦如劉伶終當以酒鳴
百年都幾何不飲安用生

上春東風和百卉呈媚姿
家家社甕熟相喚插花枝
此時酒無筭盡發胸中竒
醉人卧花間陶然亡云為
不飲彼何得祇自強拘羈

西風黃葉落處處菊花開
霜螯味滿殼持盃亦開懷
正當劇飲時惟恐與時乖
快意傾灑灑無復念栖栖
金英旣狼籍人亦醉如泥
我順物安忤兀兀靡不諧
悠然反化初世路都沈迷
駕言入醉鄉趨車不可迴

夜醉曉來醒日出東南隅
嗟早行人百里已半途
我祇孰為容彼亦孰為驅
飲酒有運數生平酒常餘
賜田總種林終傍淵明居

屈子重違天陶公乃達道遙遙隙中駒放孟身已老欺為
畫餅欺遂使腸枯槁君看桃花顏得酒色更好榮名身後
事美酒樽中寶一飲便成仙御風凌八表

我愛李太白醉眼高一時把盃問明月揮灑多文辭吾生
嗜盃酒感寓實在茲常向醉中醒更飲不復疑載讀止酒
詩陶公亦吾欺安得泛酒海弄月恣所之

壺中別一天飲之造真境有夢渾未覺獨醉勝獨醒忘物
神乃會放懷道即領巨壑當藏舟括囊勿脫穎為告不飲
人此理天日炳

好事邀我飲布席我已至散談坐生風引滿即徑醉快意

魚町畦縱橫不比次忘情釋重負適已乃為貴世上多虛
名樽中有真味

種柳復藝菊即是陶潛宅眼中總孟杓門外無轍跡朝飲
仲尼千夕醉季路百不用五斗解豈計東方白熙然識此
生獨醒真可惜

五年一龕燈面壁初治經仇酒恐廢學中歲卒無成晚悟
盃酒樂苦節因自更軍府酒若海浩蕩波門庭十年醉如
醒遂以善飲鳴陶然合天和萬古達者情

繫舟范丹墓黃流駕長風玉川與金波紀城一萬雍瓦傾月

中鯤鱷亦露醉興與江河通醉鄉總直道世路曲如弓

通飲天下酒風味我自得南江與北嶺淄澠不能惑兩海
納一樽巨量吞四塞曾次含春元瀕洞和萬國熟醉即無
言百世歸一默

我本醉鄉人弓旌招我仕自此樽俎踈漠然忽喪已醒治
夸了了枯槁成內耻况復拘厄途不得歸田里十年猶不
字駸駸踰一紀日事雖有酒多病輒自止強飲終無歡忘
力徒自恃

醒眼舉作偽醉時見天貞模糊渾沌初大朴還其淳山中
酒初熟烈烈風味新一飲平天淵再飲一齊秦人物在眉
睫慘淡飛埃塵兀兀倉瓦石哀哉為誰勤遂古有達者祇

與盃酒親陶潛豈乞食有酒即問津門首佳客至快漉頭
上中君者飲酒詩始知真醉人

止酒

物各有所止惟止止衆止所嗜止盃酒跌宕乾坤裏好飲
即為徒更不顧妻子無酒則酷我得酒即欣喜日在醉即
眠日出醉未起沈酣三十年落魄誤生理赴詔方始醒曠
然便失已南來增殷憂從此酒止矣愁濃亦如酒苦海浩
無涘何當大刀頭一飲醉千祀

蜡日

自釋

氣數方構凶我獨其能和幸有樽中酒自種庭前蘆日詠

還自酌酬適興亦多且笑勿裂些深裏寄長歌

四時 記夢

夢中見西郎綠玉十二峯忽到太行顛故山深長松

擬古九首

陶潛避世士手種門前柳作傳復自序實錄傳永久高風
激余中論世期尚友何當菊花秋共漉山中酒嗟嗟墮世
網願言久已負枯腸充殷憂覽鏡顏益厚會有還歸日再
覓無何有

天地相依附吾道同始終經世維皇綱一王辨華戎聖人
鍾神靈樹立何豪雄六經通四時顛顛弘宗風王法莫有

生大統垂無窮本原豈多言萬理祇一中

屋漏闕天人炳烺茲一隅掌中握靈幾宇宙從卷舒日月
驅吾輿乾坤廓吾廬有萬叢取吾身通途安廣居私智生町
畦坦夷深榛蕪擾擾趨蹶中跬步無所如

十年不歸山衡麓皆榛荒風雨秋草深蕪沒讀書堂鳥道
常矯首天宇青茫茫賜田在河陽經始築圃場黃流經中
天太行面北切痛飲登平嵩醉眼高昂昂厄風墮江濱欲
去還無方辱井俗死人顧影徒自傷

和龍蟣蝨流瘡膚不復完節旄又零落破碎十年冠片天
亦愧仰計拙祇厚顏音塵兩國絕江深掩重關幽思搖風

陟川文集卷之七 五
旌百感來無端亦有絕絃琴挂壁不復彈忍聞雲間鴈祇
恨鏡中鸞鳥推坐惜日月心死骨重寒

鬼神居無鄉一念即在茲欲知得失初當謹未思時靜敬
守關鑰精一辨滄溟理窮性乃盡天命不復疑君者語孟
書皆是直指辭皇皇三百篇舉要無邪思柰何季末人忘
慮先自欺戴盆還握苗真行恣所之楚虜方詬天豈悟祈
招詩

憶昔山中春谷風扇微和幽人坐孤石好鳥相和歌冷泉
有清音音響一何多迴復步澗芳有時墮林花田家携酒
來柰此高興何

幽庭抱枯株感槩憶壯遊結交燕趙豪經欲窮九州岱崇
登日觀赤壁美江流醉走天山馬叢臺問沙立中途軻吾
車歷覽猶未周行止不在吾順適安敢求
蓬瀛有奇藥馭風欲載採鷲濤忽翻山對面桑田改鯤化
鵬遽起鱗鬣乾半海天池無培風九萬亦有待且搭垂雲
翼運數安得悔

雜詩十二首

縱橫十萬里悠悠總世塵勞生爲物役往往失此身對面
皆九疑惟有酒相親花開杜壚熟春風滿地鄰痛飲有高
矚暮夜達旦晨君看雞窠中豈有百年人

種豆南山歸放目陟高嶺雜田似蔬畦繡錯成野景日夕
卧柴荆破屋風露冷床頭有餘醪渴飲興味永月出流清
輝起舞動孤影呼兒讀雜騷載酌幽懷騁醉眠踏曉日獨
樂靜中靜

天命端可樂物情孰能量開軒受西風明月照我房悠然
中聖人載酌夜未央哀鴻忽遺音底事昔隨陽遂令不飲
人反側斷中腸

三代祇周孔漢永有佛老汨貞復翔偽彞性遂不保涇渭
混濁清原隰易濕燥世多喪心人死病不辨早涓滴成江
河豪末遽合抱六合一捺荒浪走無正道

丹山九采鳳有道即游豫阿閭與岐山和鳴復高翥一從
休德衰轉翻遽揚去高賢亦違亂好遯有深慮冒出犯難
行宵人肯爾恕幻安遼海若龐公鹿門住翛然遠世塵豈
復有憂懼

展禽黜不去子文無愠喜爭如卧雲窻遠棄人間事淵明
偶束帶初無仕宦意酒熟遽告歸佳期恐難值散髮山月
清濯足溪流駛把菊見南山物我有廢置

大道初坦平柰此世路迫劫灰到重泉兵塵滿阡陌乾坤
一戰場血盡骨更白何處著此身重覺天宇窄獨立萬物
表祇有雲門客弋人忘冥鴻此中是安宅

道人守化根靜境深苞桑單衣不掩骭一食恒糟糠何心
到文繡更不願膏梁貞風出樊籠太和蘊元陽中襟旣忘
幾外物奚能傷矯矯離群倫宛在天一方尊中有音樂一
詠復一觴

西北有佳人飄飄碧雲端悠悠與神俱冉冉從化遷偶來
住人境結廬青山顛更不煙火食祇把晨露餐我欲從之
遊路遠縈塵緣迥然歌紫芝重寄歸來篇

聖作尚簡易古道皆若稽叔季私煩苛平地生巖崖生民
入罟獲慘慘傷子懷孰能與蠲除變亂益盈彌神農設教
益庖犧初取離靡不漏吞舟豈能強骨羈謀利困管商遂

使大質虧

夷則弛炎律廓廓高天涼我作清夜遊步月上河梁蛩吟
煙露相鴈翔風水鄉商聲激孤衷銀漢零飛霜向不酌酒
樽柰此秋興長

溪風吹竹花石壁墮松子山氣清入骨雲嶠時猶倚變變
靜中趣超超物外理

詠貧士七首

簞瓢豈顏樂大聖德歸依曠寂無過地高朗有清暉夸毗
紆金朱志意欲奮飛微倖行險途跋躔終安歸道義我素
飽勢利爾恒飢緝空豈足恥心死良可悲

虛室白無塵澹然造羲軒藜糗一鼓腹春風滿丘園夕雨
釜生魚上日厨無煙琅然金石聲密密道味研七日無是
餒方聞固窮言貧乃士之常安貧乃為賢

家無儋石儲漫撫無絃琴淵明果達道避世求希音擾擾
劉寄奴戈矛日相尋豈若一樽酒對菊時自斟飢來偶乞
食當時孰汝欽獨有桃源人乃見高世心

貧賤人所惡眷眷思黔婁富貴不可居歸來願言酬籃輿
向田園嘯歌行道周俯仰澹無營事事即無憂農人與野
叟欣然作朋儔有子復有酒生平復何求
有名不可求有祿不可干干祿當事人比身即屬官豈辱

八尺軀區區為一食道義等芻豢足厭食無飢寒冠蓋不與
賜屢空獨稱顏憂道不憂貧高賢多閉關

不食如繫匏無家劇轉蓬尼父道彌高少陵詩益工閉門
張仲蔚知者獨劉龔求志終隱居龐公竟誰同但有樽中
酒何必慮窮通田父邀我飲步月欣相從

落落田子春不負劉幽州竟辭萬力侯魯連貢其儔昔年
過燕山飲馬易水流斯人不復見悵望生隱憂日暮一樽
酒碧雲誰與酬西風薊丘前鴈叫踈竹脩

詠二疎

趙蓋揚韓誅見幾當遽去宣帝亦寡息二疎知所趣眷禮

方未衰解鞍即高舉未幾太子立果然殺蕭傳嗟嗟二大
夫灼見夷險路鈇鉞已在頸富貴其可顧誠者健其決豈
惟常人譽歸來事樽俎鄉社屏世務父子歡有餘志懷還
澹素常匡多諫章擾擾渾未悟光禹貪身榮寧爲漢室慮
高風獨東海千載道益著

詠荆軻

燕國八百年最爲遠秦嬴可作殷周基何乃事荆卿癡見
疆復讐匕首堪咸京徑勿於期首更圖督亢行倉皇事不
就狼籍斷冠纓寒風死別歌睥睨一世英不若縛設諸飲
恨復含聲縱使殺一秦寧無一秦生呂政方忘燕忽作續

柱驚并吞勢不已舉兵復有名掃平黃金臺故鼎入秦庭
昔我渡易水晚登燕子城投文吊田疇思賢重屏營舉事
本道義不繫敗與成爲國恃刺客夫豈英豪情

讀山海經十三首

寓興

江風送夕涼蕭蕭落髮疎種菊滿秋庭偶似淵明廬澹然
絕慮營靜讀窻前書坐馳造聖域氣馬尻爲車自得每厭
餘無地容秦蔬重覺洙泗親似與羲皇俱造起幾天地周
身一河圖但恐十壞運閉物將無如

清泉沃醉面復見桃花顏運甃置齋外尚擬康強年睡熟
如在家詩凡憶歸山偶聞江上鐘忽憶夢中言

伊昔住山時高興薄林立自許作真逸永結煙霞倚竹間
挂巖月石上鳴溪流不逢塵俗人甘與鹿豕遊

笑心到密地難藏神與陽付我祇一仁藹藹生意長潛地
復經天炳烺生道光群龍勿使戰每戰雜玄黃

道實人共傳自棄真可憐片言未能充積惡如丘山一貫
有妙理六經皆天言弗知還弗行人生幾何年

天開萬象春生意滿草木好鳥相和鳴嚶嚶出幽谷旭日
露華滋天地一膏沐人心揚達時此理宜自燭

當春對花飲酒面浮花陰藉草幽澗邊野色風滿林三月
鶯亂飛睨睨弄好音一醉卧郊原萬事不到心

世無不藥死得已即命長君看行尸人舉步皆失常狂生

莫樞苗癡叟無休糧節食謹作為壽樂元無央

瑣瑣蒙利徒揭揭事奔走自得乃自失甚勝即甚負身外

皆屬人區中竟誰有配極惟大業方保萬世後

淵明忘世士何必讀山海神仙荒有無怪誕豈真在若有
西王母武皇不終悔歸來當痛飲白衣久已待

怪力與亂神不語有深旨茲生理未窮何暇遠微死不須
妄云為祇在實踐履過高皆異端中誠足深恃

道衰多散人体亡有放士受命備萬物稟彛各有止方士
欺凡庸異書彛有爾子瞻號通儒亦重抱朴子

嗟嗟蠹書蟲本無經世才
鹵莽欲援時遶走遽南來
明月果闇投按劔還驚猜
掇患既違時委順庶優哉

聯句

漫興

觀星見天體北辰直南極
鵬圖亦有待必以六月息
九萬搏扶搖翱翔豈人力
君子有天運侯命祇自飭
焉用熬中腸鰓目重反側
時來沛然起會矯垂天翼
雲達無阻脩河山改顏色
行止各有時作詩為祛惑

桃花源詩

桃花荒有無誰云隔塵世
秦人既能往我亦從此遊
歸舟忘津途顏運急興廢
緬懷別一天花陰好休憇
淳風無澆

誕道種可樹藝凡夫安得到
俗駕豈容稅君看閭閻下
聒聒形聲吠苛法如牛毛
浮偽競新制高人肯著足
有山皆可詣隱見須適時
淺揭深則厲淵明資好遊
棄官在中歲處身向田野
曠遠黜智慧把菊祇見山
種秫自為界盃酒與浮沈
林樾重蒙蔽到處桃花源
貞境不在外當時避秦人
未必識妙契

郝文忠公文集卷之七

詩文忠公文集卷之八

白溝行

入木必端妙笑

詩文忠公文集卷之八
白溝行
西風易水長城道老寧查牙馬頻倒岸淺橋橫路欲平重
向荒寒問遺老易水南邊是白溝北人為界海東頭石郎
作帝從珂敗便割燕雲十六州世宗恰得關南死點檢陳
橋作天子漢兒不復見中原當日禍基元在此溝上殘城
有遺堞歲歲遼人來把截酒酣踏背上馬行彎弧更射溝
南月孫舅北渡不敢看道君一向何魯還誰知二百年寬
孽移在江淮蜀漢間歲久河乾骨仍滿流揭無窮都不管

郝文忠公陵川文集卷之八

歌詩

白溝行

西風易水長城道老寧查牙馬頻倒岸淺橋橫路欲平重
向荒寒問遺老易水南邊是白溝北人為界海東頭石郎
作帝從珂敗便割燕雲十六州世宗恰得關南死點檢陳
橋作天子漢兒不復見中原當日禍基元在此溝上殘城
有遺堞歲歲遼人來把截酒酣踏背上馬行彎弧更射溝
南月孫舅北渡不敢看道君一向何魯還誰知二百年寬
孽移在江淮蜀漢間歲久河乾骨仍滿流揭無窮都不管

陵川文集卷之八

晉家日月豈能長當時曆數從頭短日暮途窮更著鞭百
年遺恨入荒煙九原重怨桑維翰五季那知魯仲連只向
河東作留守奉詔移官亦何效稱臣呼父古所無萬古諸
華有遺臭

賢臺行 古黃金臺也土人稱為賢臺

高臺突兀燕山碧黃金泥多土猶濕曉日曛曛赤羽旗燕
王北面親前席費盡黃金臺始成一朝拜隗人盡驚誰知
平地幾層土中有全齊七十城禮賢復讎燕始霸遂與諸
侯雄並駕七百年來不用兵一戰車轉然駭天下二城未了
昭王殂火牛突出騎劫誅臺上黃金少顏色惠王空讀樂

毅書古來燕趙多奇士用舍中間定興廢還聞趙括代廉
頗欺國亡家等兒戲燕子城南知幾年臺平樹老漫荒煙
莫言騏驥能千里祇重黃金不重賢

古菱花鏡詞

燧人燒殺太古月化為片銅藏死魄噓光沈曜解反照黑
潭萬丈生虛白蛟龍逝去不敢藏高秋無波更澄徹徑圍
數尺透膽寒一身忽入空明穴背紐深嵌邊如刃週圍菱
花纏枝葉毫髮滌回印水紋朱砂翡翠編鱗甲不知世上
幾千年依舊團團無壞缺百煉得道遂不化又作鑪中一
太極寢揚寧陋各成形焉用區區強裝貼一略精神隨臭

腐眼前脂粉墓中血菱花鏡裏都無物瑩淨圓平本顏色
等閑棄擲清苔蘇未免昏翳人不識忽爲磨洗開玉井孤
電繞手明月壁部屋塞開有神物挂向青天照白日皦然
盡見不欺人魑魅魍魎焉敢出壽福蓮花空自名不湏倒
影尤奇絕

藜杖行家君命作

荒藜一兩青墻隅數莖均深勢扶踈柯葉張磔忽過墻赤
絲縮結綠珊瑚雨餘霜重凋傷後瑩節高肥幹枯瘦斷截
為杖勁且堅黃玉壓手光欲透更將月漬脰朝嗽潤滑隱
隱分細紋家君垂老添數僕馮藉看月復穿雲倚床半夜

風雨怒只恐飛騰作龍去乃爲作詩重相告從史少陵挑
杖句天生此杖向吾家再起衰宗振國華會當拄到太行
頂指點千年墓上花剗除蕪穢重洒掃橫膝琅琅過庭教
搯傾拄壞植孔孟求使子孫扶聖道

蔡江月歌

郎山五季稱孫姑兵家洞達握化樞遂令方諫擁節旄南
振趙魏北燕都爾來燕南道術高往往卓犖動星閭晚金
乃有蔡江月採桑神授青衣書歸來了髮辭姑嫜脫去帔
悅投釵梳便向床頭尋紙筆揮灑萬字紛瓊琚夫婿瞠視
不敢詰鄰里環矚皆駭吁爲言諸人當避兵西山岡頭是

我君未幾雲衆四遠集豪傑望風皆奔趨指授方略無不
中權謀每笑孫吳踈嘗將勲業論諸將指示張公都不如
名高兩受紫泥詔道重六屈金虎符道武仙今萬戶張
公皆嘗師事之金宣宗事平笑傲作天仙綠眉粉面堆翠
鈿絳襦青帔玉冠佩插花吟諷香雲纏繡帷深處說黃庭
碧桃隱映燒丹煙篇章不似婦人語磊落見道參幽玄異
人異事會當傳為學韓公稱道謝自然誰與刻向西廊巖
姑姑榻邊玉劍前

天賜夫人詞

八月十五雙星會佳婦佳兒好婚對玉波冷浸芙蓉城花

月搖光照金翠黑風當筵滅紅燭一朶仙桃降天外梁家
有子是新郎芊氏忽從鍾建背負來燈下驚馬鬼物雲鬢歌
斜倒冠佩四肢紅玉軟無力夢斷春閨半酣醉須臾舉目
視傍人衣服不同言語異自說成都五千里恍惚不知來
此際玉容寂寞小山顰倦首無言兩行淚甘心與作梁家
婦詔起高門榜天賜幾年夫婿作相公滿眼兒孫盡朝貴
須知伉儷有緣分富者莫求貧莫棄望夫山頭更賦白頭
吟要作夫妻豈天意君看符氏與薄姬闕繫數朝天子事

綠珠詞

石郎癡駭誇多財三斛明珠買禍胎陸樓獨有一綠珠綠

珠不負三斛珠君不見息媯無言生成王西施歌舞向五
湖水流花落金谷園土花零亂埋花鈿媚女笑殺貞女憐
欲着明珠三百斛金谷園中買玉谷

朝雲詞

章惇不受東坡睡再着罪名投海外骨肉故舊但哭送朝
雲請行了無畏朝為行雲暮為雨朝朝暮暮珠厓下為憐
國士奉巾櫛禿髮無眉都不顧海南又甚大法場春淺愁
深不可當一夜東風掃落花為賦海棠空斷腸三作埋文
盛德事掩淚無言誌王氏文正清獻及張公地底雄文還
有四君不見世間多少迴頭人舊花摘却繫新裙癡哥癡

哥笑朝雲翻手覆手江上雲

讀卿先生劉景玄碑

太行元氣果不死弊世有此魁傑士曾中羅列世間書泛
異窮竒無不至嘗借莊周十日還成誦未嘗遺一字萬言
默識殆片時記問區區總餘事詩文清雄簡且高闊步不
讓坡谷豪散談四座誰敢言橫膝搖吻獨滔滔未見皆如
汲冢竹劃開若若并州刀超遙孤風送行雲爽朗夜月虛
秋濤初欲有為下天井寡鶴遂把霜毛整時危事去可傍
人清露滿天還自警終不一到當塗門回視俗子徒紛紛
洛城西南有佳處竹間水遠梅花村此中儘可嚼佳句笑

傲煙霞有深趣著書藏山不示人坐看石田生老樹九臯
清咲誰不聞海內至今揚清芬鄉閭晚生不及見掩淚空
讀遺山文

讀麻徵君遺文

太初百煉透光境突兀心魄無氛埃神姦遜伏徹膽寒白
月分耀乾坤開一詩拈出託惟銅挂向青天白玉臺陋儒
效顰不敢視一世盡服瑰竒才子時鬢童誦黃口似為古
人今未有忽從亂後得遺文磊落從橫百餘首就中不獨
此篇竒黃金滿箬贏珠滿斗高古遠探秦漢前奧雅要繼詩
書後正大初從孟及韓新澁却將韓變柳金源百年富詩

文伊洛一派獨徵君說易不肯坐臯比公卿大夫日盈門
工夫詣理全道技日薄崦嵫終隱淪嗚呼一鏡墮渺茫血
食肉漬葍苔昏我欲重磨扣帝閣虎豹呵禦不得聞魑魅
魍魎忽成群

湖水來

枯風怒遏長川迴兩湖五月生黃埃水晶宮碎洲渚出昆
明老火飛狂灰魚龍錯落半生死乾坤枯槁無雲雷海鯨
怒扶海眼破濤頭一箭湖水來新聲汨汨入黑壤寒虹矯
矯收蒼霧鷗鳥靜盡波不起澄清無瑕玉鏡開浮光四動
青雲第倒影半浸黃金臺何當乘興呼太白棹歌長入琉

琉璃滿船明月露花冷翠綃銀管飛瓊盃

梨花曲

春風羅綺傾城出踏破一川生恨綠競堆芳樹占春光海
棠癡睡天桃俗梨花兩株最幽妍姑射風神素娥骨微光
半展兩三葉弱帶相扶生一簇膩粉攢攢青淡淡纖纖翡
翠輕輕玉開樽徹幕對芳姿一時英俊皆潘陸辭鋒席上
戰珠璣談數句中湧川谷肝腸爛熳發天藏滔滔濯洗澆
醞醖虹霓萬丈氣相許削去町畦開窘束或如磊磊搖孤
松或似森森掃秋竹或如赤驥奔長風或似蒼虬起幽窟
歡成氣合花亦喜舞殺微風香蕪蕪踈陰浮動酒杯中一

吸霜魂清滿腹綠鶯飛來隔花語花間似聽飛瓊曲卑枝
拂面不忍折醉眼高橫看不足所恨此花不解語與說瑤
池舊追逐又恨此花不解飲共醉廣寒宮內宿最怜人散
月玲瓏玉容寂寞還幽獨

題琴成先生畫像

齊人善瑟王好竽達也豈效伶人趨歸來坐石接長裾突
兀天地為蘧廬王門有路多塵土封豕磨牙鬪虺虎何如
此曲不須彈風入長松鳴太古

聽角行

贈漢上趙丈仁甫

踈星澹不芒破月冷無色千年塞下曲忽向窓中得當空

勁作六龍嘶四海一聲天地寂長呼渺渺振長風引起浮
雲却無力此聲誰謂非惡聲借問何人有長策漢家有客
北海北鄧毛落盡頭毛白聽此空令雙淚垂中原鴈斷無
消息南枝越鳥莫驚飛字落天涯永相失江上舊梅花今
夜落誰家樓頭有恨知有事牽住青空幾縷霞

蜀亡嘆贈眉山唐仲明

子規啼缺峨眉月嘉陵江中半江血青天蜀道為坦途馬
蹄蹴落陰山雪芙蓉城碎朔風急虓虎磨牙綺羅穴不識
兵戈三百年疊鼓一聲肝膽裂小臣鬪死尚南首大臣見
殺猶望闕漢家陽九厄再逢忽焉王氣西南絕孔明廟前

老柏死四賢堂上英靈滅愁雲深連白帝城哀湍遠瀉瞿
塘峽坡仙玉里子西孫挺身北走來中原岷岷秋色橫眉
宇翫辭獨倚燕市門時望蘇樓一迴首漠漠萬里煙塵昏
古言蜀險中天下一夫扞禦足成霸前劉後李王復孟虎
視中原雄並駕于今底事谷為陵錦城萬里趨龍庭當時
不與秦塞通一天自可延千齡吾子莫漫嗟飄零厲階權
輿實五丁仲明初被俘鬻於燕市自言子西孫且道陳侍
事安陸趙仁甫作疏鳩貨贖之疏中有云錦江秀色都為
巴蜀之蕭條五壘浮雲盡入峨眉之悲慘余讀而傷之故
明蜀亡嘆吳仲
明蜀亡嘆吳仲

西郎吟上左副買候

西卽峩峩秋凌空萬壑秋氣丹霄通翠蟠燕趙一千里蒼
東刀巖十二峯壁立不讓恒山雄顏行欲過東海東老鷹
南來駕黃隼結巢便入山靈宮羽毛不鍛爪距禿肅雲慘
月驚長風巨靈雖為重御護湫穴幾為脩蛇訂相君巖巖
西卽秀壽與西卽高不朽老鷹黃隼正吾儕亦賴恩靈庇
黃口黃金臺上秋風高會當凌風快鴻毛為公搏擊歐雲
颺

懷素青帘鬪將二帖歌

青布高垂誇美酒醉僧扶盡賒幾斗朝朝挂向長安市行
人看書不飲酒唐家旣滅酒家亡青帘草聖千載後瀚海

西邊唐將鬪將軍揮戈虜連鼓當時本自說戰功却使醉
僧誇好手筆勢更比青帘雄常山長蛇救尾首賈侯愛玩
看不體不肯插向萬卷樓壁間一雙岳湛壁灑落神俊懸
清秋見我酒酣使題評快飲數鍾澆枯喉為說草書秦漢
間變出楷隸蓋有由但存妙處遺土直縱筆自如成鎖鈎
大巧旣窮出大拙作者每向無心求所以顛張醉素嗜酒
能出奇放浪縱恣隘九州天矯騰蛟峻利森森戈矛婀娜
春樹花肅颯秋江鷗兔起復鶻落雲行溪水流神聚精不
散扶柅還撐幽都非有意舉自然所以超凡入聖直與造
化侔陶然以酒寓天趣一著直在最上頭莫言只作醉僧

圖君未得醉方隱憂一身纏縛萬古愁焉能浩浩復悠悠
侯乃大笑言君更飲數甌壁間又添珠一斛三帖使我子
孫收

再飲陵山春

蒲城山城好風土土厚人淳樹木古陵山倒壓西南城山
泉白重如鍾乳山家釀作陵山春春波滉瀟紅蓮府朝朝
搥鼓獻大捷醉殺張公萬貔虎予年甫童監摧酷直向山
根置官務涸泉為酒酒如泉潮沸雲蒸日傾涇撥開醅面
漲霞腴輕膩鵝黃湛玉湖石泥大白不動聲米脂浮顆泛
金酥清香插腦甚酷烈冷飲頓覺詩腸熱萬卷彊將一斗

澆春入四肢紅兩頰詩腸自此為酒海痛飲高歌忽千載
昨來夜燕秋月堂風味依然渾不改只無山色與泉聲蒲
耳笙歌不欲聽何當搗瓮看藝清一吸春泉快渴鯨不須
注金仍注瓦醉臥婆娑古槐下

長歌哀李長吉

元和北出屠龍客三斷韋編兩毛白黃塵草樹徒紛紜幾
人探得神仙格青衣小兒下五京滿天星斗兩手摘曾中
旁魄銀河湧驅出鱣鯨噴霜雪逸氣似與秋天香辭鋒忽
劃青雲裂刺空一劍斷晴電齊梁妖孽皆泣血上帝俄驚
久不來恐向塵寰覆迷轍赤虬嘶入造化窟千丈虹光遠

明月人間不復見，奇才白玉樓頭耿孤潔。自此雄文價益高，翠華灼爍紫電制我生。不幸不同時，安得從衡驚清絕。思君岳岳矯首立，扣破玄關天地寂。忽驚鳳鳥入寥廓，恍惚渾疑見顏色。車聲嘒管縹緲間，亂霞顛倒無蹤跡。六龍驥翼夾秋日，神鼎俄空鉉華碧。丹青盤礴冠元精，縱有新詩招不得。煙淒淒兮鎖瑤臺，望王孫兮去未迴。瑛瑛玉樹生瑤階，有瑤花兮花不開。仰天三嘆，天無語，萬里長風酒一盃。

壽元內翰

秋風颼颼吹庭梧，長庚吐焰橫太虛。遺山先生曳長裾，醉

鞭黃鵠來天隅，蹴開化噬肆搜取。玉斗倒寫明月珠，九原呼屈原底事為焦枯。青雲問李白佳句，今何如。百年元氣一盃酒，千丈光輝萬卷書。高臥一曲歌聲價百碑，礫雲璣宮徵奏玉宇。春鶯花柳鳴天衢，惜哉時不與命偶。西周削弱為東都，明堂一柱入樵採。安得致主為唐虞，遺山山頭有舊廬。歸來亦足為歡娛，既有墮地風雲之驪駒。又有竹花美語之鸚雛，仰天一笑萬事足。倒騎箕尾遊蓬壺。

辨磨甘露碑

國賊反城自為功，萬段不足仍推崇。勒文訟德召學士，滹南先生付一死。林希更不顧名節，兄為起草弟親刻。省前

便磨甘露碑書丹即用宰相血百年涵養一塗地父老來
看閣流涕數樽黃封幾斛米賣却家聲都不計盜據中國
責金源吠堯極口無醜顏作詩為告曹聽翁且莫獨罪元
遺山

郝文忠公文集卷之八

郝文忠公陵川文集卷之九

歌詩

讀堯丞旨集

一代必有名世人現偉特達為儒宗接續元氣大命脉主
張吾道追軻雄金源文物纂遼宋國初尚有宣政風世宗
大定三十年師干不試信命通藻飾皇度議事典培植教
養王化隆勝殘去殺於乎仁繼以泰和尤昭融中間丞旨
掌絲綸一變至道尤沈雄歸然度越追李唐誠盡簡質辭
雍容斲雕剝爛故為新暢遠明粹理必窮漢火百煉金源
金周制一用中華中混然更比坡仙純突兀又一文章公

自此始為金國文崑崙發源大河東伊昔避亂洙泗間太
平頂隱東蒙峰學書遍寫竹溪葉琢句迥倚徂徠松古文
隸篆妙入神風雅韻勝超樊籠邈然欲作魯兩生放浪海
上尋高蹤中原有主始出仕白頭射策開天聰進退不苟
尤老成蓬累偶爾為蛇龍先皇實錄似貞觀徃徃筆補造
化功鑄王一詔說帝心懇惻義與大誥同告歸復擁仙巖
節君臣道合全始終文孺子端拜道左請更指授袪朦聾
為言但當多讀書不求於工應自工嗚呼後學安得知客
氣趣俗塗青紅丞旨有集當重讀官樣妾貼腴且豐秋風
蕭颯黃金臺紫氣正遶燕山宮果如公言讀盡世間書必

如真龍出九重一洗萬古凡馬空

書蔡正甫集後

哀哉蕭閒蔡丞相崔浩幸免門房誅文采風流今尚存筆
力矯矯鍾遺孤中朝尚文屬安治儒雅柄用敷詩書揚厲
偉蹟加潤色鋪張鴻休尊典謨共推小蔡懋許手金石瑰
竒近世無森森凡例本六經貫穿百代恢規模追琢山嶽
礫琬琰郊廟祠宇神鬼墟斷齧立極走四夷銘功頌德流
八區煎膠續絃復一韓高古勁欲摩歐蘇幾回細看聖安
碑區別二代張吾儒車輪眼孔斗大膽突兀正論搖天樞
滔滔更辯懋王墓證據古今據幅誣瑣屑芥蒂一無遺有

似爾雅編蟲魚不肯蹈襲抵自作建瓴一派雄燕都昨從
張公借書讀文府武庫渾不殊堆山疊岸亂策中煙煤一
書纏網蛛為讀忽見文正宗歸來撫卷為嗟吁規矩準繩
有大匠自視所作何益踈乃今政須日一通深探海底尋
驪珠更書卷尾記年月龍集己酉八月初

登龍興閣觀銅像

轉空岌業金碧鱗平地突起三百年我來一登秋雨霽壯
氣奕奕排霜天初疑榱桷欲飛動復恐棟宇將騰鶩峩峩
鰲頭昂出六合外地軸欲斷還相連鈎心詰屈牛斗度光
景煥爛日月躔高標樞極森力牖囚鎖造化蟠風煙上窮

九霄下九泉中有十丈植立之金仙焜煌照曜手眼千提
挈萬象歸斡旋把掘心印持化權蕩搖幻海開福田吾徒
問學一見亦瞻仰彼伊紛紛無所守宜乎奔走狂蹶顛天
地萬物同一身手眼億兆元無邊各因私智自闕塞所以
一目無所視一手還拘攣周旋憑欄肆遐矚太行滹水吾
山川孤鴻眈眈入天末遠引幽思參茫然何當乘化恣所
往日馭叱起先著鞭掃除塵翳快一澣眼界廓廓開坤乾
趙邈齷伏虎圖行

南山射虎曾得名壁上忽見令我驚何物敢爾來戶庭屢
比不動仍生寧畫師前身是山靈膏中有虎無丹青老櫺

數筆平掃成殺氣慘淡猛氣橫頭顱半妥蹲孤城怒尾倒
插蟠霜旌鐵鬚張磔疑有聲赤吻瀝血猶帶腥抱石欲卧
伏欲騰爪入石角瞠不瞑寒電夾鏡騫兩睛四座凜凜陰
風生威稜神采出典刑邈齷乃是金天精伊昔詩家社少
陵酷愛賦馬并賦鷹為憐神俊故屢稱我今賦虎亦有徵
要得猛士建太平坐令四海皆澄清吁嗟擲筆還撫膺世
間道路多棘荆俵鬼磨牙不可行

跋展子虔畫齊後主幸晉陽宮圖

盲人歌殺斛律光無愁天子幸晉陽步搖高翹翳鬻皇錦
韉玉勒羅妃嬙馬後獵豹金琅璫最前海青側翅望龍旗

參差不成行旄頭大纛懸天狼胡夷雜服異前王况乃更
比文宣狂眼中不覺鄴城荒行樂未足游幸忙君不見宇
文寢苦戈滿霜黃河不冰便著一葦航癡兒正看新點粧
浪走更號無上皇狂童之狂真可傷展生貌此示國亡圖
邊好著普六茹并寄江南陳後主門前便有韓擒虎

山陽橙歌贈緱子玉

太行之陽大河之曲鬱洞庭之秋色結江南之尤物西風
萬里吹吳霜黃入新橙變寒綠河山孕秀渾不異風味矯
矯清亦足緱君遺我秋滿座瘴雨蠻煙逸茅屋黃龍飛去
失新卵壯士熟視不敢觸急呼西施南威一雙婢便擘輕

金染織玉崆峒酒海入盃盤快作鯨吞香滿腹齒頰曼曼
秋風生浮動霜天穿月窟憑凌喚李白共酌劉伶骨從渠
人間世擾擾還碌碌淋漓傾倒發天藏傾盡明珠三萬斛
鼠毫筆行贈劉遠

輕風吹衣硯滴乾胃中有思如湧泉此時正賴毛錐子束
縛贈我森戈鋌遼東黃貂健且圓得法自遠源也傳巫閭
山色來幽燕鴨綠巨浸涵中邊貯雲停霧遵且堅雞距一
朱雄於掾宣成必須試誠懸山谷枉道能三錢雖云好手
必利器心手器要三者全近聞清秋十萬騎長槍闊劍凌
霜天何如明窓淨几執此對聖賢撼搖風雨一萬字現劇

日月三千篇元氣萬象歸斡旋

贈楊伯通

天機奪得探天幽七襄掌上如泉流飄然聲名半九州倒
騎箕尾燕市遊河山壯觀在眉宇總萃萬化摩高秋世人
擾擾入揮斥公為布衣公王侯即今鸞鳳與蛟虬垂翅枳
棘蟠囂湫何時風雲各變化白日矯矯登鰲頭

緯亢行

歲臨鶉火斗插子穉陽欲復老陰死朱靈南極元龜首望
舒北至明堂裏乾坤翻覆變已窮氣數朝元將有啓旋頭
日沒正當中五緯將且躔蒼龍羣陰已伏衆星沒玄天變

白生清風兩角在南大角北龍頭半妥朝上宮誰知總向
 亢中聚同舍參差不同度歲鎮熒惑共光明金水煌煌俱
 不怨東西絡繹似連珠色正芒寒共昭布往年長星掃金
 源前年孛入紫微垣攬搶妖客不時出天狗枉矢還驚傳
 今朝太平有此象不久再見成康年昔時曾聞入房駟兆
 啓金商六百祀同來東并漢元年四百年中稱帝制後來
 丁卯煥文章二百餘年方季世曾逢丙午當百六今日重
 逢又重六五星忽來會辰前不知誰禍誰為福網紀梁棟
 兩攝提招搖玄弋動光輝馬祖直欲飲亢池星翁曆史休
 相欺正是君臣會合時丙午冬十有一月越十有五日辛未五星會于亢太陽躔斗十九度

太陰經心五度木星躔亢二宿一度八十分三十分十秒在辰前
 行六日行一度金星躔亢一度六十分四分十分六秒在辰前
 半行一日行一度火星在亢東五度六十分四分十分六秒在辰前
 疾一日行一度水星躔亢二宿二度十分二分十分六秒在辰前
 疾二日行一度水星躔亢三宿三度十分二分十分六秒在辰前
 順疾一日行一度水星躔亢四宿四度十分二分十分六秒在辰前
 順疾一日行一度水星躔亢五宿五度十分二分十分六秒在辰前

答李淑玉

古稱燕趙多奇士乃今於君還見之襟懷落落絕點滓雲
 夢湛徹涵天地玉虹千丈青羅天赤驥萬里黃金羈文章
 翰墨特餘事字量蘊畜乾坤奇昔年贈我以長句靡旌摩
 壘來致師吾方堅壁養吾銳十年不戰空相持昨朝燕王
 台臺下慷慨懷古傾酒卮一鼓作氣森辭鋒再鼓建旆開
 襟期須臾合沓閑談數錦囊亂瀉明玉璣上稽唐虞下周

孔推索究竟餘無遺嗚呼吾道甚綴旒絕無僅有貞可悲
何當扶義帥衆軍鼓吹六經張四維縱橫闢去異端異突
兀振起衰世衰廓清摧陷鷲正路剷除荆棘驅狐狸景星
會入奎壁府祚祲倒卷蚩尤旗吾民仁壽吾道行聞望萬
古江河馳

唐十臣像歌

魏徵李白郭子儀渾瑊顏真卿韓愈白居易牛僧孺崔愷由司空圖

鄭公山立面粟黃袖中隱隱露諫章致君克舜肩禹湯太
宗一鏡今不亡謫仙翩然來帝鄉淋漓龍巾倚御床斗酒
百篇錦繡腸光焰至今萬丈長汾陽沈雄異姓王中興功
業冠有唐人臣始終壽且昌深山大澤龍蛇藏咸寧氣貌

慘不揚殺氣凜凜橫天狼回天再造忠且強功名端不讓
汾陽太師魯公日角方挺特不撓百鍊鋼端笏正朝貌堂
堂盧杞監面不敢望昌黎高冠何昂昂泰山北斗元氣傍
天衢搖曳雲錦裳年去老佛擅文章樂天脩然世相忘江
水蕩漾江花香不作房杜庸何傷歌詩直與日月光音章
重厚國棟梁亂來粗能立紀綱太平無象稱小康不計黨
禍深膏盲崖相憂國眉兩厖區別流品何太忙天子閑日
猶自防曹節侯覽不可量司空表聖宜賢良清癯不欲游
巖廊詩外有味誰肯嘗寡鶴飛去高翱翔

樓子白蓮

玉樓一尺千藥攢綠雲高擁白玉盤真出清波絕點塵水
仙解種水牡丹秋渚亭亭倚妍素水肌不受煙脂汗都將
金粉抹蘭膏香盡西風一天露洛神漢女回清顧脉脉溶
溶縱微步我將一葉卧為舟載向水晶宮裏住誰意無心
復無子想雪堆霜委波底空餘潔白漫漫清高古來薄命皆
如此

宣和內人圖

牡丹橫壓搔頭玉眼尾秋江翦寒綠金翠冠梳抹且有正
是宣和舊粧束腰肢一搦不勝衣當時宜瘦不宜肥三千
想見無顏色偏有親題御製詩蔡攸恢復燕山府魯索君

王不魯許蕭條萬里去中原偶見花枝淚如雨却將換來
向三韓遂令流落在人間道君一顧曾傾國今人休作等
閒看

薛稷舞鶴圖

丹砂入頂開雪翎雙膝半屈玄裳輕一天清露月滿庭浮
煙弄影來玉京當時華表曾留形只見翻翥還無聲畫工
姓薛不姓丁前身亦是胎禽精素練忽展江邊亭長風脩
脩筆下生洪流蕩瀟排重扃抖擻寒玉凌赤城我欲援琴
鼓湘靈低昂曲折仍有情壁間至今不肯停灑落一見曾
次清請君休讀瘞鶴銘為君更寫舞鶴行

索靖月儀帖

草書初工漢晉末超凡入聖張與索伯英冠軍名貫索數
行一筆鈎鎖活索靖變體作草草法如真楷為草出筆
似隸簡且婉態度益多縈結少一畫大抵皆三變却把張
芝墨裙練包藏飛動為安帖功夫總向中邊見昨從中祕
得月儀古意遠過王羲之世人草法宗會稽章草自此識
者稀二十六幅兼閨餘玉盤亂走明月珠辭尤簡嚴勢深
秀字字出竒世所無如印印泥筆不差短長肥瘦無損加
鈎心鬪角方且停半安遠山飛小雅古人下筆不輕易一
世功夫成幾字由來絕藝屬高人鹵莽馬能作能事當時

攅死岳亦亡一妙不可在洛陽秋風揮淚指銅駝此生不
用尚書郎風度超然如靖節灑落孤風與明月須知萬古
冰雪姿就中自有蛟龍畫君看顛張醉素兩禿翁半盆墨
酒澆心曾世人不識盡稱工乾坤模糊眼正黑豈知更有
月儀帖

跋克丞上言篆字太白琴讚

右軍學書世界黑扶桑墨盡西海竭竹谿學書無片紙寫
遍千山萬山葉太白琴讚二尺餘丞相小篆丞言書端勁
妥帖肆雄竒展盡筆力世所無緣綺微聲絕絃文嶧陽孤
桐至今有知音賴得謫仙詞揮灑又逢天下手問說琴臺

在魯山磨崖深刻亦何難青天二絕一萬古絕勝區區坐
上看

書黃華涿郡先主廟碑陰

稱道孔明獨有杜少陵論著昭烈復見王黃華君臣一體
始無愧蜀相祠望樓桑家昨因應詔過燕南青林一簇啼
鳶鴉簫鼓寂寞村社散廊廡慘淡昏龍蛇西南一碑刻蒼
玉每讀輒止驚咨嗟磊落一片恢復心始終於仁無少差
當陽之言永安命三代聖王何以加仲謀雄略祇僭偽阿
瞞詭譎空姦邪論議到此真不欺文采絢緜森芳葩書法
二王作真行得意顛勝如時花歌謠慷慨鼎趙義士風但

恨不能完漢軍敗崩三巴百匝細讀立復坐不覺午日傾
簷牙傍徨欲去不忍去飢馬更繫枯荆楂東夷何以得此
人日出之圖王氣韜朝霞滅遼服宋帝諸夏禮樂制度無
疵瑕家世章廟布衣臣貴胄鼎族來幽遐春深徑渡鴨綠
江太行山巔高挂浮海槎風流儒雅冠當代碧雲玉樹栽
烏紗漢魏以來無此作作詩為向諸生誇

入燕行

南風綠盡燕南草一桁青山翠如掃驪珠書孽滄海門王
氣夜塞居庸道魚龍萬里入都會頌洞合沓何擾擾黃金
臺邊布衣客拊髀激歎肝膽裂塵埃滿面人不識骸骸偃

寒虹蜺結九原喚起燕太子一樽快與澆明月英雄豈以
成敗論千古志士推奇節荆卿雖云事不就氣壓咸陽與
俱滅何如石晉割燕雲呼人作父為人臣偷生一時快一
已遂使王氣南北分天王幾度作降虜禍亂衮衮開其源
誰能倒挽祈津水與洗當時晉人恥崑崙直上尋田疇漠
漠丹青跨箕尾

跋魯公送劉太冲序帖

魯公筆法皆正筆出奇獨有劉太冲初從真草入行草削
去畦町尤清雄懸針數筆皆側鋒往往矯矯如飛龍輪困
權奇恣揮灑現偉乃見烈士風觀此好向書家道未有能

真不能草

荆公配享小像碑本

天津月明聞杜鵑愁殺洛下無名公未幾南人果為相汴
梁化作單于宮老泉初作辯姦論舉世矚矚俱未信王衍
盧杞合一人熙豐末年禍始釁小遷累讓謙萬端一知制
誥不辭官臯夔稷契高自稱敢把官家輒面謾富彊豈是
吾儒事王道何嘗利為利却將孔孟作申韓刻剝生靈壞
元氣顛倒乾坤事事新規模偽莽與孤秦底事當時不便
亡祖宗恩澤猶在人西窓更功殺韓富所幸不從天且祐
惠卿遽已發私書佞人不遠將誰咎獻可即日彈新參罪

狀十事猶叵堪朝臣縮手疑太早後來君實亦為慙至今
宗廟無片瓦學術終然殺天下燕山竟不得寸土瓜步江
寒飲戎馬當時三黨皆奇才共成國禍真可哀可能陳寶
勝牛李未能朋亡皆禍胎仲尼日月萬古一顏孟大賢纔
入室首惡要伏春秋誅更可巍我聖人側俚鬼諛讎死不
休更期不朽鑄頑石世間萬事難盡曉三韓分米買日曆

定武蘭亭帖

會稽蘭亭修復草一世真行此尤好當時信手叙興感心
手兩忘都壓倒法度備具郁有神一篇秋水道遙身不知
孰為鍾太傅何處復有衛夫人有時姿媚似花朶却向莊

嚴生婀娜蕭然自有林下風野逸行間亂塗抹字字不同
數十之情流激湍點點奇九方相馬誤黃驪管絃豈計絲
與竹遂使書家推第一昭陵玉匣藏真跡歐虞楷薛臨硬
黃價重兼金與連璧溫韜劫墓出人間縑墨生塵冰水寒
中祕緘封貴人手翰林待詔時得看西蜀初傳刻棗板點
畫傷硬亦蕭散後來定武刊翠琰山陰春風還在眼君謨
坡谷始盛稱韻勝遠過換鶉經宋金以來三百年永和規
模存典刑昨向燕都得善本重為摹勒憂墜損雲龕細鑿
黃金臺永與諸人作繩準當時無意不欲傳只今視昔似
偶然君不見浙江變作黑水源越山筆冢高摩天運斤斲

陵川文集卷之九
十二
輪熟乃精從橫十萬方無言初從有意到無意始知前賢
道為技試看魯公座位帖數幅書藁為二絕

望漢樓

漸臺斗折新莽死天下還歸赤帝子漢民恰見漢官儀又
值王郎與更始河北忠真有耿純舉族徑欲隨官軍孤城
頓爾音信絕誓死不肯為賊臣築臺望漢賊滿目蒼忙不
見劉文叔饒陽一縷烽鬚煙正向蕪婁食豆粥溲泔水合
赤識來犇虜解瓦驅風雷漢家一氣從此迴城門不閉乾
坤開誰知當時望漢臺即是畫像登雲臺

沙丘行

林胡遂出榆林塞滿國騎射衣冠改西游直入咸陽宮趙
王使者秦王駭玉鞭擊斷過函谷夜飲叢臺翻酒海生前
傳位稱主父一切都非三代故座中誰意有潘崇宮甲盡
起商臣怒熊蟠不來事益急省轂雖探能幾日一生英氣
頓消散胡服掩面空垂泣祖龍亦向沙丘死詐殺扶蘇書
一紙武皇父子戰京師釁端也自開邊起古來好殺多子
禍浮山堰壞臺城餓至今金陵罵侯景誰知亂本由臨賀
君不見殷湯六百載周武八百年以殺止殺救民命用兵
雖人元自天孝子慈孫相繼傳

郝文忠公文集卷之九

音不見... 蘇... 一... 隨... 其... 王... 林... 自...

郝文忠公陵川文集卷之十

歌詩

宿鐵塔寺

西風蕭蕭暮煙濕... 及黃昏徒昏黑... 一塔揭暝色... 天轉張磔... 隨雨來壯懷... 走客短衣... 眠老燭... 動輕碧...

楷木杖笏行

金源以來進士登第例授楷笏無則以槐代之今
曲阜祖庭有孔道輔釋褐時擊蛇笏殷血猶在橫
絡一綫旁迸數砂粒色若棗漆以水濯洗則其色
鮮紅如新濺著者今此笏乃其尺度故制也孔氏
族人又以長材為杖以贈好事者乙卯秋九月經
拜謁墳林家長翁以笏杖各十相貽故為賦此
兩楹夢斷壞梁木天出斯文生宰木翳雲擁霧二十里虎
踞龍蟠泰山足道德仁義為根株禮樂枝葉光扶疎庇蔭
百代吾道尊方有絃誦家詩書中間楊墨常蠹食重斂剪

伐逢老釋崔嵬柯幹尚生意千古堂堂孟韓力年來旦旦
加斧斤幹為居楔枝為薪知音抱去甚泣玉觀者掩面如
悲麟大橫庚庚紫蛇腹手板雷恩照緋綠老儒扶藉見聖
人豈並枯藤與桃竹斯文將墜吾道亡不絕一綫甚濫觴
豈為區區徇枯木亦如告朔存籛羊孔氏家庭手植檜楷
樹相望閱千世亂來秦火幾番燒土黑灰寒共憔悴靈光
殿基秋草深牧童相喚穿墳林青蛙亂聒顏氏井飢鳥落
日啼白禽佩玉長裾新進士回視詩書等閒事赭袍白馬
飛將軍闊劍長槍不識字中原慘慘無神靈白骨蔽野無
蒼生只知下石誰手援老天有浹浹河傾皇極厄會數血

肉誰與澄清倒溟渤摩挲東家扣脛杖拂拭囊中繫蛇笏
會當立聖蠲杖昏鞭擊手魚龍起春窟

手植檜孔子像

稷降播種生百穀封植積累鍾運木東枝扶桑西昧谷柯
葉蒼蒼蔚盛文物七百餘年開世卜子欲代毋葦東出仲尼
傷麟掩袂哭手植庭檜鍾遺躡三代脈絡拱把續先王遺
澤不滅沒歲寒高隱闕里屋忽遇秦火傷老佛椽崩棟折
不可復民莫芘蔭殃禍酷千年餘根重儲蓄孔庭家傳深
韞匱遺我尺許香馥郁手澤膏潤如紫玉道德根株太極
骨神雖無方像髣髴刻劃乾儀鏤坤軸象環其系組殷士服

瀾翻海口與河目突兀六經還在腹梁木可仰天未祝元
氣不死生意足不須金身駭氓俗見者再拜重祇肅文楷
十里泰山麓墓前舉是常編竹聖世不絕生民福我欲載
之告四隩斥去偽邪信抑屈矯矯更用擊蛇笏

神室
致云

梁甫吟

南山有芙蓉北山有鯉魚河乾石亦爛海竭桑亦枯于嗟
乎將安歸乎南山有鷓鴣北山有蒲蘆蒼梧竹不實朝陽
桐亦枯于嗟乎將安歸乎秋蘭兮青青秋菊兮有英美人
兮不來芳菲菲兮滿庭望美人兮山之阿褰桂子兮披綠

陽川文集卷之十 三
蘿美人兮不來臨風兮嘯歌荒山峻陔大龍蹉跎雲雷不
從將柰之何

封松行

始皇登泰山風雨暴至避於五松下已乃爵松為
五大夫今其處猶有釋松存焉乃為賦此

六國西移周道絕草本盡汙秦兵血泰山山頭五株松黛
色猶參周日月文武成湯深雨露八百年來養貞節祖龍
一旦侈心生坑深不用諸儒說千乘萬騎壓山谷檢玉泥
金自銘德鬼神呵禁不容上振雨凌風力飄蕩人誅未即
即天誅欲使碎骨千年障偶來擇音幸偷生濫爵斜封重

誣謗真松本自如魯連泰山豈不如林放山東赤帝子色
生山靈亦已居芒碭秦皇雖云幸余亦為松悲君不見湘
妃祠前風雨夕赭山伐木一無遺

乙卯秋月十九日登泰山太平頂

窮秋老雨四十日坤軸欲爛陰霾纏我來方作泰山游玉
虹一夜收雲煙山露奕奕生喜色突兀撐裂青羅天輕裾
飄飄過黃峴乘興直到三峯前霜餘灌木出秋色萬壘紅
錦幪椒巔泓澄寒溜浸太古翠壁細瀉珠璣圓當時秦漢
極侈麗未必如此皆天然天門中斷兩屹立巖前筇一磴蛇
蜿蜒凌層絕頂肆崇峻佇立矯首望八埏長天沉沉入西

陔川文集卷之十 四
極九州却在東海邊衝風慘淡萬里來海窟勁刮鯤鯨涎
須臾白雲生嶽麓脚底洪莽無山川秦壇周觀覺浮動滿
地覆肩兜羅綿忽疑山移入海中白浪四洶虛濤掀山陰
現詭光恠出赤氣翠暈相鈎連下從谷底上碧落寶塔萬
級高蟠旋遂登日觀叱日馭六龍倒着珊瑚鞭玉鱗剝落
金甲拆九芒迸綺生血鮮三山搖蕩海水沸蓬壺縹緲來
飛僊為言此色與此界君自固有非塵緣恍然記悟復無
語把手一笑三千年

華不注行

崑崙山巔半峯碧海風吹落猶帶濕意氣不欲隨群山獨

倚青空迥然立平地拔起驚孱顏劍氣勁插青雲間濟南
名泉七十二會為一水來浸山我來方作鯨川遊玉臺公
子邀同舟君山浮嵐洞庭晚小孤滴翠清江秋酒酣興極
煙霏昏魚龍慘淡迴山根少陵不來謫仙死舉杯更欲招
其菟菟兮不來天亦老元氣崔嵬山自好超超絕頂凌長
風注目東溟望蓬島

嶧山陵行

五國興王兵一旅并滅兩家都一鼓燕雲忽使遼作金汴
洛遽令齊代楚乾坤入手肯與人根本未牢難遂取漢人
且使漢人看一旦不須煩再舉當時若欲存中國只向京

師留少主石家父子尚徒勞今次重來渾浪語邦昌數月
又劉豫二子猖狂都不悟誤添鱗角欲為龍刮盡肌膚送
兵賦我為其德爾為讐百姓囂囂怨嗟聚君親無將將必
誅大寶何人敢叨捷臣節便弃真鹵莽後然竟致人神怒
八年辛苦謾經營兩手歡欣却分付祖宗天位爾乃奸倉
皇被執欲免難峭山山前盡已冷道君猶自在三韓當時
微倖學敬瑭錯把金源比契丹地下若逢張孝純赤汗滿
面不敢看劉豫何須責邦昌先已爾莫言從權為社稷爭
忍便受傳國璽君不見滎陽紀將軍也曾詐作漢天子漢
王既脫不用生鼎鑊談笑就一死

居庸行

驚風吹沙暮天黃死焰燎日橫天狼嶮嶮鐵穴六十里塞
口一噴來冰霜導騎局脊銜尾前輶車轆轤半側箱彈箏
峽道水復凍居庸關頭是羊腸橫拉恒代西太行倒卷渤
海東扶桑幽都却在南口南截斷北陸萬古疆當時金源
帝中華建瓴形勢臨八方誰知末年亂紀綱不使崇慶如
明昌陰山火起飛螫龍背負斗極開洪荒直將尺筆定天
下足馬到處皆吾疆百年一債老虎走室怒布色還猖狂
邊令逆血灑玉殿六宮欽泣無天王清夷門折黑風吼賊
臣一夜掣鎖降北王淀裏骨成山官軍城上不敢望更獻

監牧四十萬舉國南渡尤倉皇中原無人不足取高歌曳
落歸帝鄉但留一旅時往來不過數歲終滅亡潼關不守
國無民便作龜茲能久長汴梁無用築子城試看昌州三
道墻

北嶺行

中原南北限兩嶺野狐高出大庾頂舉頭冠日尾插坤橫
亘一脊繚絕境五臺南望如培塿下視九州在深井上有
太古老死冰沙埋土食光烟烟盤磴滑硬草無根枯石摩
天墮生礦南人上來不敢前撲面欲倒風色猛坡陀白骨
與山齊慘澹萬里殺氣冷嶺北乾坤士馬雄雪滿弓刀霜

滿頸稀星如丕斗直上太白似月人有影寄語漢家守城
將莫向沙場浪馳騁

懷來醉歌

胡姬蟠頭臉如玉一撒青金腰線綠當門舉酒喚客嘗後
入雙眸聳秋鶻白雲亂卷賓鐵文臘香一噴紅染唇據鞍
側鞚半淋鬣春風滿面不肯噴繫馬門前折殘柳玉液和
林送官酒二十五絃裝百寶一派冰泉落纖手須臾高歌
半醜顏貂裘浹盡不覺寒誰道雪花大如席舉鞭已過雞

鳴山

雞鳴山行

一峯竒秀高插空萬馬踏碎青芙蓉
桑乾黑浪落絕壁霜
淨天澄更覺雄窮邊絕傲誰曾顧
千古行人少詩句渾如
定武看嘉山絕勝齊州華不注

沙陀行

老鼠山陰界牆北礧礧磷磷起沙磧
泉腴草薦地高寒主
氣瑰雄當斗極幾回秦漢儘消沉
隔斷中原沒行跡坡陀
瀾漫重複重舊澤新尖宛如一天傾
海倒白浪枯中有生
龍千萬疋雲屯霧郁無半岸水灑
煙浮川谷溢駭驛窟宅
簸蕩寬駮駮康莊夏磨密參差不斷
動魚文凶瘴相銜翻
蟻隙噴風制電脫兔疾色別群分
鮮錦織春廻凍裂怒蹄

齧蹋碎冰天轟霹靂分馳茁壯賈餘
俊突兀權竒縮生力
角伏踈促口义豁日凸銅毬凹溝脊
鯨鬣瀾翻鳳臆橫山
字圓平尾梢直飄飄舉是萬里足
往往玉立八九尺雲壓
草根脂滿口不解人間有阜捩腹
臃氣猛德且馴不喜牽
籠喜迎敵隘視河山渾一抹仰首
西風聽鳴鏑古來伯樂
未曾見天下更無多馬國國初西北
半天紅房駟光芒遠
天策帳前白馬飛下天青草年年
益蕃息開國一戰何所
須木鎗五千跨生駒百萬山崩排
堵墻乘勝逐北過燕都
更得金源四十萬大青小青絕世
無回戈却取西南夷奄
有渥洼與余吾長鬚巨鼻入監牧
大宛空群王作奴崑崙

陔川文集卷之十
蹴平飲河源瑤池月窟皆長驅沙陀拓境數萬里驥駉
騰古無比金粟堆空漢月沈馬上真人作天子釁端不在
宴賜年斗尾堆金勢難止西域既定右臂舉皂旗隨風便
南指迅鋒踏破李王城抄騎直入杏花營小關透漏潼關
敗峽峯扶出汴梁驚黃流見底江漢狹我馬正渴方橫行
中原無人馬有足殘城破屋不足平風聲鶴唳皆落膽但
言有馬不問兵既平西海復南海馬鳴蕭蕭迴旆旌歸來
罷戰合長圍令如殺敵誰敢違包山絡海數千里兩稍把
手隔年期一朝圍合密鐵匝馬耳戢戢為藩籬百獸擁起
自衝感骨牙挂角傷毛皮先開一面放三日然後共施弘

矢威黃羊野馬不足數躡躡驅兕驅熊羆赤霧不散肉山
赭乾坤模糊血淋漓長楊上林莫大誇舍長露短彼一時
向令見此無復獵相如枉用多文辭以戰為獵國俗然況
乃萬里皆鞭笞馬多地廣兵力勁將士能將馬為命終身
騎射不離鞍辛苦生獐殆天性每將飢渴勒在橫一飽一
肥無復病俊逸都無水草態變化自有真龍性鼓鞞聲動
便開張人人據鞍皆王良直入飲血鬪頭顱查牙生人潤
枯腸所向空闊都無敵遂令四海皆天王駝駝錦背高崔
嵬玉帛萬國來梯航琵琶絃急曳落高醜顏半醉馬乳香
玉脂瀲灩玻璃滑浮動酥顆金粟黃供官大群肉擁腫揮

霍鴻洞如酒漿馬頭一璞驚孱顏橫截數尺琢玉鞍條革
編珠排碎錦繫纓小鈴絡金鑲前朝不數大無價九采奪
目誰敢看五花虎文稱裝束踏地恐破驕且閑大官牽來
至尊御馬前拜舞朝百蠻此時息民立紀綱泰山四維萬
世安地無與大兵無疆何用更舉祇自殘天生此馬為天
下敵盡兵窮亦當罷五十年來不摘鞍安得瘡痍被王化
但願沙陀馬無數會見中原有新戶深宮九重不動塵求
使驂留脫羈帛

化城行

東郊野馬如馬驚依稀隱約還成城參差雉堞雲間橫鰲

頭岌業擎長鯨壯哉三都與兩京殿閣樓觀頽空明丹雘
峭麗歆且傾煙氣荏苒搖旆旌其中似有百萬兵是邪非
邪寂無聲秦邪漢邪香難名長風忽來一掃清赤日如血
高天青霜淨沙乾鴈鷺鳴路傍但見棘與荆祇有慘淡萬
古情人間城郭幾廢興一杯聚散皆化城君不見始皇萬
里防胡城人土並築頑如冰屈丐按劍將士蒸堅能礪刀
草不生神愁鬼哭枯血腥殺人盈城着死爭只今安在與
地平平地深谷為丘陵江南善守鐵瓮城城外有田不敢
耕西北廣莫無一城控弦百萬長橫行身為心城羣身城
一朝破壞俱化升佇立感化參玄冥乾坤翻覆一化城

鐵埃行

漢家窮兵漠南無王庭解甲百萬標北庭高摩斗尾似陰
山冰埋雪漬生鐵腥殺氣昏昏無白晝行人不識呼鐵埃
北去和林又數千衛霍過此猶窮闕中原無人益蕭條僅
得呼韓一再朝子卿不來王嫱去平城冒頓仍自驕長城
蹴踏誰遮截千年費盡九州鐵道傍白骨皆人埃井田廢
後無長策

古長城吟

長城萬里長半是秦人骨一從飲河復飲江長城更無飲
馬窟金人又築三道城城南盡是金人骨君不見城頭落

日風沙黃北人長笑南人哭爲告後人休築城三代有道
無長城

白山行

鴛鴦灤東白石山一峯峻前尤高寒金蓮花擁玉芙蓉奇
秀誰教在此間頑冰積雪雕鏤就追琢琳琅露枯瘦霧披
煙染不能青草隱沙昏日依舊當時朱勔若相逢玉京不
運萬歲峯華陽宮中第一山沉水灌洗金泥封瑰異無緣
到華夏歲歲年年聚羊馬幾回重着吟鞭點崔嵬貌作詩
中畫曉來雨過無埃塵落月冷浸光更新就中必有連城
壁世間誰過三別人北山安得移山叟移向石淙玉溪口

太湖烏玉都壓倒更添風月三千首

戊午清明日大城南讀金太祖睿德神功碑

雜花粧樹燕草綠珠翠重重擁燕玉踏青車騎各一簇巉
天一碑杏梢出驍肩垂袖立馬看穹龜交龍勢崛蟠四面
渾鐫堆字山填金刻盡黑蠟班冒頭遷史學舜典序事班
書雜文選銘章生民麗且婉太祖帝紀都一卷初賄肅頓
兆已陳日出之圖生聖人周雖舊邦命維新不事殺戮義
與仁海青一翅海西落兩國君臣具不覺鷓鴣聲裏降王
縛漢民不失生聚樂平地突起金天龍面如紫玉真英雄
化行江漢服羌戎百年以來誇僞功參用遼宋為帝制文

采風流幾學士磊磊高文辭稱事卓冠一代誰復似汴亡
文物委地壞不收獨有此碑岌業在幽州荒煙莽蒼無人
讀使我掩面涕泗流鄭王已自磨甘露故壠移來立新墓
小民世情多忌諱更欲去除誰愛護不久拽仆野火焚後
人不復見此文槲子花再讀傾一樽朗詠直過宣陽門

聽姚尚書彈玉磬琴

桐焦漆死聲無木首尾断裂烏蛇腹江水絃索玉軫足瑟
瑟音微明碧綠龍池鳳沼銘山谷高人藝香一揮拂冰泉
雜弄碎金玉沈着凍雨打踈菊磊落鏗錚不煩促注坡寶
馬急回復峻嶮屹立驚鳥突兀蕭散清越重紆曲委珮編磬

輕撞觸霜秋月夜風萬斛帝子揮淚滿湘竹大雅一變無
塵俗斷絃今乃前膠續名琴絕藝會遇難頓覺古音生肺
肝回視鄭衛何卑凡坐中乃有郝高山子牙從今放手彈

趙州石橋

輪困太古綠玉月半插水面不挂天一石一段數十丈大
業至今七百年深銜密匝無罅隙巖磨安帖堅且圓仰視
壓面勢飛動勁欲拔起疑墜顛鬼功神力古未有地維欲
絕還鈎連蛟龍辟易洛水伏細紋參錯如新鐫晴虹不散
結元氣海捧縹緲纏蜚煙衝風倒景鯉背搖金瀾漫漶青
環偏乾坤壯觀全趙雄幾回笑殺秦人鞭往來細讀張相

碑直與北嶽相輕軒先君有詩不忍着摩挲華表空泫然

東坡先生畫像

曹州教授一日敬題

王安仁所藏己未六月

五精聚奎五季平三朝積累三蘇生東坡一龍獨崢嶸抉
裂西極來承明頓撼日月轟雷霆萬喙若鼎縮暗不鳴顛倒
六合江河傾瀾翻奔注凶四溟闕肆揮闔撤鯤鯨紆餘曲
折重關高晚兔處女孫吳女珠璧噴薄光怪驚嘻笑怒罵
似不情卒止禮義歸中聲既竭復鼓氣益盈轉石決溜方
施行變窮出奇伏且騰常山蛇走挾孤鷹恣睢安閑便且
輕鳥鳴花落春山晴根極孔子孟據六經道德仁義炳日星
蹴踏漆園隘蘭陵揮斥戰國跨兩京睥睨儀秦更縱橫每

笑子雲譏長卿屈宋賈馬擷華英李杜韓柳皆包并諸子
百氏歸題評出入老佛雜刑名雜不越理純粹精融會變
化集大成更不蹈襲自名家一張新錦秋江澄巉巉峨眉
去天尺倒插崑崙有餘力雪嶺隱日嘉陵深翻動鸞鳥皇織
金碧乾坤都作一錦城回視前王甚寒乞書法淋漓元氣
濕以隸為楷尤雄崛為嫌顛張醉素俗特與魯公添出筆
九天九地未曾見總向篇章揮灑出備具百體窮道技橫
拈豎出皆第一奇才本欲濟時了慷慨屢進萬世策王道
還疑伸舒緩時務仍比陸贄切以重自任伊周學貫日峻
天天下節大儒不使為大臣豪傑竟作文章伯區區小枝

皆遊戲舉是先生等閑事從渠喚作謫仙人耻作翰林真
學士當時不止忌才名凜凜都因有英氣初為子孫得宰
相竹筒吹喘競逐放陰謀毒手必置死相致詩文厚誣謗
玉堂遽作赤壁磯金蓮却照儋山瘴政足大公無所損粘
天更覺風濤壯不恨不得居廟堂但恨夷甫誤蒼生遂使
諸戎更霸王一網打盡朝廷空八賊挪揄宗國喪蘇公竟
不到中原舒王却在凌煙上昔嘗讀公文今乃拜公像至
神無滯形丹青莫能狀畫工豈有浩然氣謾着南箕唐古
空點痣不如夜寂對江月皜皜見公真顏色子面間多黑

温公畫像

王安仁藏

後來三代漢唐宋太師溫公絕世無匹照魏徵與宋璟馬
遷劉向及仲舒問學德度兼名節純粹骨鯁一大儒麒麟
鳳皇代希有布帛菽粟民所須無心求世篤脩身正襟危
坐三省吾以道事君入官聯循分守信不敢踰進言格非
理必盡渾厚質直辭無餘制札作樂如成康漸仁摩義期
唐虞不幸熙豐方有為祖宗良法盡剷除磊磊顯諫章十
上不用不可一日居勇退不捕樞密班分司洛下甘著書
論列治亂尤愛君心存魏闕身江湖鉤深致遠推象數更
擬太玄作潛虛窮神知化德亦盛不忍赤子極焦枯一僮
一馬哭裕陵萬民遮擁牽衣裾有田不敢種青苗司馬相

公來活予兩宮下詔登一相旱火潑雨天下蘇東丹驚喜
西夏眼中朝突兀尊皇輿誰知孔明食邊少以死勤事皆
駭吁革弊治蠱雖未竟已定鼎命開規模建炎國脉實在
此紹聖姦黨徒有子誣高風奕奕今共仰遺像尚可懲姦諛
槁木寧有食肉相隱隱但見金粟膚布衾自可覆蒼生貂
蟬不稱山澤臞泫然想見公薨時鬻衣致奠哭過車不獨
此本在人間一日四海皆畫圖更不負公有子瞻雨碑萬
字堆瓊瑤刻石署公為首惡小人私計真區區

閑閑畫像 王安仁藏

烏巾鶴髮蒼髯眉丹砂暎面深兩頰存神垂老孰與傳正

大八九天興前金源一代一坡仙金鑾玉堂三十年泰山
北斗斯文權道有師法學有淵中華命脉屹不偏楚妃正
色絕纖妍石光玉潔無腥羶高文大冊職所專潤色帝業
星電纏體制妥帖開坤乾官樣奧雅春容篇筆力壯浪傾
源泉草聖肆意揮雲煙晚年游戲西域禪月江卷盡藤蘿
涎清風修修易一編每欲杖屨尋伊川熒惑犯昂光竟天
不與亡國天惜賢始終無慊獨巍然國初學士汴與燕世
章蔡党方騰騫宣政仇靡快濯湔補完大朴無雕鐫却雲
腴霞鳳鸞翩貝闕寶府珠壁聯崇極欲圮龍步遷此老始
終元氣全大儒巖廟筆如椽六鰲一掣三山連紀甌墮地

誰續絃破觚頤皆沈綿東塗西抹競取伶夸紅旋紫十
百千安得起公重著鞭萬古一日當天懸臆臆臆臆臆臆
公先王辰之變以禮部尚書翰林
學士丞肯卒於第人以爲天幸

高麗歎

高麗立國千餘年跨山連海東北偏文物制度慕漢唐衣
冠禮樂如中原曾蹶煬帝困太宗拒險守要尤精雄瞰臨
遼碣飲鴨綠風颿轉出東海東自被天兵都破碎稱臣納
質兵弗退殘滅虜掠五十年窮蹙無聊竟何罪盡將生口
賣幽燕年年探借高麗錢肌膚玉雪髮雲霧羅列人肆其
可憐前年令公輔太子鈎魚山前見天子掩面過市衆皆

哭哭聲痛入燕人耳幾迴事宋事遼金不似今番冤苦深
甘心曲股渾不信要把高麗都殺盡嗚呼哀哉何時免此
殺戮運

曉登昆陽故城

弓刀蹀燹西風鳴慘澹夜入昆陽城疎星牢落楚氛黑立
馬起坐東方明凌晨歷覽增壯觀世祖凜凜猶如生以寡
敵衆古亦有以怯為勇夫誰能始知謹厚是真勇彼偽不
足當吾誠眼中百萬已破碎着手一戰成中興天定豈容
人復勝新莽猶然事符命漢家王氣滿咸陽空向漸臺看
斗柄憑高落落落生壯懷萬里一片青山來子陵不屈亦堪

惜乃使耿鄧升雲臺東都制度遂狹陋王室陵夷浸傾覆
漫將風節與維持終入曹瞞莫能救巖巖高節固可奇濟
時行道胡不為鈎焦臺上秋風老我欲與子論襟期蕭蕭
草木南陽道龍虎春陵氣仍好須當策杖向軍門整頓乾
坤濟時了

武當道士歌

武當道士數十百亂兵驅來不動色就中一人尤瑰奇兩
頰紅潤鬚髮白怪日深涵漢江水仙骨迥立秋山石肘後
高懸綠玉符簪頭倒挂丹砂筆傍人為說不記年上聖親
傳官斗極掌上曾教起風雨袖中傾下生霹靂玉肥嚙嗽

身軀輕居無七箸不火食深巖縮縛龍幾潭遠岫逍遙鶴
一隻熟香重與扣玄關為說天道方在北歛藏形氣更不
語我亦無言兩寥闕

巴陵女子行有序

已未秋九月王師渡江大帥拔都及萬戶解成等
自鄂渚以一軍覘上流遂圍岳岳潰入於洞庭俘
其遺民以歸鄧婦巴陵女子韓希孟誓不辱于兵
書詩衣帛以見意赴江流以死其詩悲婉激切辭
意壯烈有古義士未薊者今并其詩錄於左方嗚
呼宋有天下文治三百年其德澤龐厚膏於肌膚

藏於骨髓民知以義為守不為偷生一時計其培
植也厚故其持藉也堅乃知以義為國者人必以
義歸之故希孟一女子而義烈如是彼振纓束髮
曳裾峩冠名曰丈夫而誦書學道以天下自任一
旦臨死生之際操履云為必大有以異於希孟矣
余既高希孟之節且悲其志作巴陵女子行以申
其志云

北來諸軍飛渡江突騎一夜滿岳陽樓頭火起入閭巷曹
逃偶走如牛羊巴陵女子尚書婦生平不識門前路亂兵
驅出勢倉皇夫婿翁姑在何處吞聲掩淚行且啼啼痕沾

濕越羅衣此身忍使人再辱裂帛暗寫臨終詩上言社稷
安危事下說投江誓天志一回宛轉一悲辛心折魂飛不
成字詩成淚盡赴江流蛾眉蕭颯天為愁芙蓉零亂入秋
水玉骨直葬青海頭古來烈婦纔一二誰似巴陵更文理
名與長江萬里流丞相魏公還不死

巴陵女子赴江詩

巴陵女子韓希孟魏公五世孫嫁與賈尚書男瓊
為婦岳州破被虜之明日以衣帛書詩願好事君
子相傳知吾宋家有守節者

宋未有天下堅正臣禮秉開國百戰功每陳唯務整及其

侍幼主臣心常炳炳帝曰卿北伐山戎今有警死狗莫繫
尾此行當繫頸即日陛辭行盡敵心欲逞陳橋兵忽變不
得守箕穎禪讓法堯舜民亦普安靜有國三百年仁義道
馳騁未改祖宗法天何賜太青細思天地理中有幸不幸
天果曠中原太似裂冠衽君誠不獨治臣實無魏邴失人
與得人垂誠常耿耿江南無謝安漠北有王猛所以戎馬
來飛渡巴陵境大江限南北今此一舸艫本期固封守誰
知如畫餅烈火燎崑岡不辨金與礦妾本良家子性僻守
孤梗嫁與尚書兒含香署蘭省直以才德合不棄宿瘤瘿
初結合歡帶誓此日月昞鴛鴦會雙飛比日願長並豈期

金石節化作桑榆景旄頭勢正然蚩牛氣先屏不意風馬
牛復此逸剽郢一身遭虜劫六族死俄頃退鷁落迅風孤
鸞鳴吊空影簪堅折白玉瓶沈斷青綆死路定冥冥憂心常
炳炳妾心堅不移改邑不改井我本瑚璉器安肯作溺血
志節匪轉石氣噎如吞鯁不作燭火燃願為死灰冷捨生
念麴娥乞怜羞虎甯借比清江水葬我全首領皇天如有
知定許血面請願魂化精衛填海使成嶺

武昌詞 三首

王師圍鄂游騎於金牛鎮得一婦人欲侵之厲聲
曰我夫婿翁姑皆死目前未即死又可受辱耶連

與我死遂置之自稱梅溪主人張素英作歌詩數
篇以見志尋以疾卒於湖中得一路分妻一日以
無夫選賜有功軍人即以掌批其頰對

今上大呼曰妾夫將千五百人扼敵沅州妾命婦也豈可
辱於是乞速賜死

上矜其志賜之衣糧使有司存恤之以俟其夫亦尋以疾
卒又有漢陽教授之妻為一兵所掠義不受辱投
于沙湖三人者僕親見之皆可附希孟之義各為
賦詞以寓意云

巴陵女子韓希孟梅溪主人張素英解作歌詩還死節不

論傾國與傾城○烏鬼山頭鬧鼓鞞武昌恭入携孺見黃
鬚回鶻便批頰義感萬乘真英奇○漢陽宣教是妾夫妾
身未死緣事姑騎士朝來強擁去抱石半夜投沙湖

使宋過濟南宴北渚亭

往年薄游宴渚亭高秋霜落波光清今年持節又來宴菱
葉荷花香半城城南倒插泰山脚城北沈涵海氣橫週圍
盡浸樓臺影魚鳥慣聞簫鼓聲錦堂流出珍珠冷花底漂
搖碎光烟名泉多在府第中綉簾深掩煙脂井推波委瀉
到北渚匯蓄涵停數十頃虹_去橋桁柳平分破巨壑雪
入煙暝濟南名士多老成行臺突兀皆名卿樽中政有孔

北海坐上寧無杜少陵堰頭臘瓮滿船求歌舞要送行人
行江南風景已不殊渚亭即是西湖亭

古篆行

贈高松嵒文舉

亂來小雅幾盡廢文物典章俱掃地紛紛隨世趨所尚天
下幾人知篆隸關南賴有高使君書法一世推專門諸家
命脉究終始力探遠蹈工古文倔强鏘金還屈鐵勁利玉
板昆吾切孔壁汲冢都破碎方矩圓規仍妥帖儀貞館中
坐老天日看筆陣驅雲煙琴譜一字二尺許顧盼頃刻還
終篇圓熟省力似行草霜月冰泉勢尤好自言一畫氣一
口少為呼吸便傾到是乃精意能入神奏刀砉然如運斤

文章亦說氣為主巧寓拙外意愈新金源百年党丞旨明
月夜光傳片紙層龍誰意復有人元氣堂堂元不死請君
閣筆無妄書鐵門自買堆磚礫他年必到秦丞相今日還
逢李大夫

郝文忠公文集卷之十

郝文忠公陵川文集卷之十一

歌詩

西陵行

漢鼎已移心未已不肯分明作天子冕旒北面稱警蹕造
偽萬般難免死臨終更不謀禪代竊國規模有不在人間
解着鬼欺人地下還將縛鬼賣漫言題作征西墓誰信西
陵亦虛墓又說譙都九烏井泉腐掘埋祇幾處銅雀臺邊
鬧歌舞兩眼難看滿黃土何須析履更分香涕淚啣嚶效
兒女君不見永安宮中漢昭烈重向孔明託後主付君一
片討賊心嗣子不才君自取天下英雄只玄德操等區區

貞溷鼠

書畫錦堂碑後

兩朝定策推元勳君摸楷法歐陽文豐碑突兀大字書目
射猶有五色雲德並汾陽盡終始器如霍光學問美孔明
才具汲黯直社稷大臣無與比西北無事中國安三十年
來只一韓乾坤都着錦綉裹笑殺錢王衣錦山身安即是
蒼生福畫錦名堂公所辱君不見萊公眼孔似車輪美錦
裁來便裹足

朝歌行

壯哉茲城冠河山老玉回抱青孱顏建邦立極古有制何

乃獨在河朔間獨夫智力制天下瞰視中原疆王霸誰知
天與六州王八百諸侯已從化摘星樓頭醉未醒酒池一
夜蜚血驚成湯高宗遂不祀珠宮瑤臺為土平我來歎感
重延佇驅車不入朝歌路陰風莽蒼吹短衣落日投文比
干墓

比干墓

斫脛河南比干墓崔嵬尚是武王土一丘直欲壓太行一
死能令重千古國亡突兀見真純龍逢與君冠夏殷無人
語與魏鄭公良臣不幸為忠臣已醢九侯紂猶怒箕子佯
狂微子去三仁一仁獨殺身剖心庶使王心悟王終不悟

國遂亡朝歌無人至今荒行人只拜比干墓有因 臣獨不亡

共山行

吾生嗜竒能討幽足跡徑欲窮九州會稽未得探禹穴太
行先作共山遊是時天地方閉塞固陰沍涸山靈愁誰知
真宰為我起蟄窟喜氣奕奕山光浮雲容煙影變態出脉
絡盡露峯巒稠宏富屹天造峭截窮彫鏤峩鰲脊一翠萬
里壯縮出元氣直入東海頭中間膏腴甲天下匱竒孕秀
無與侔雲根漲玻璃寶藏劃不收玉鏡面寒瑩皦皦明珠
流泓澄百丈底錦石埋黃虬老蟾噴彩忽蕩動萬山破碎

翻神湫竹間老樹掛山骨綠玉葱錯風颼颼不見孫公和
荒臺等陵丘萬籟暗不鳴遂古空悠悠何時無名公說破
先天由一笑碧山下弄月凌虛舟舉手謝浮世醉卧三千
秋卷藏神紐入化府從渠菌蠢還蟬蛻

太行望

半天遮斷連青城參差雉堞雲間橫當時十歲初渡河舟
中錯愕來相迎今年恰得到蘇門百泉亭上更崢嶸千岳
萬壑入絕壁落日倒銜山盡赤玉立萬仞磔鯨牙金翠千
層擁鰲脊天沈影重看不足雲淨煙虛晚尤碧西北兩峯
寒云是雙石人不覺淚橫臆患難思二親一從戎馬三十

年桑梓慘澹埋荆榛何時突兀過絕頂拜掃立園見鄉井
黃沙神頭聞有千尺松灑盡苦淚吟長風注目直向東海
東

三汊北城月榭翫月醉歌

大河奔放千里一片黃鰲頭傑觀突起河中央露華漲冷
濯挂窟氛露洗盡豁四旁濤山隱映生金輪水天不辯渾
金光杳然坐我月宮上星斗錯還雲錦裳玉虹高挂飲酒
海黃流倒卷都淋浪兩行美人列嫦娥翠綃深夜冰肌涼
悄然清唱多怨曲攪亂羈思為停觴輕颺忽來四座覺浮
動吹落桂子颯颯生秋香急令搥鼓歌慷慨驪龍掀舞白

鳳翔玉床插天抱孤月醉卧萬里銀河長

望京府賞紅梅

汴梁宮中絳綃梅移向汴河堤上栽青條團拈杏花顆瑣
總向陽才半開張公小隊呼我飲風色偃鬣寒氣凜玉銜
徑踏黃河水貂帽颯簷掀紫錦金鞍細馬歌舞入雪壓小
橋不動塵入門下馬簇花宴紅蓮舊府花正新玉川金汲
碧香酒折花遍插分素手春透寒梢未全綻風流正要臙
脂瘦賞梅不用歌落梅緩歌却着銀笙催愛香細顙生霞
藥浮動雲腴嚼一杯本是前村冷澹花不稱王侯將相家
明朝會散更向明月底藉雪凍吟踈影裏

黃山草聖歌

一從蔡党闢文源，漫有黃山黃華相。後先黃山古雅尤老，成迫蔡埒党難重。輕為避時名，便把黃華放一頭。聲價亦自雄，周京澹薄脩然無。官情玉階寡，鶴誤一鳴書。法更比詩文精，正筆子瞻變。真卿擘窠大字儼，重極方停真行行。草至顛草獨步一代真，豪英昨嘗中酒覘。此本清風颯颯吹我醒，卷軸甚大總是學。易詩如如縱筆自在縮墨繩，正是莊生悟道書。網破夢覺蝴蝶驚，綵綸不收魚不食。湛澈盡見江底星，鈇華洗淨出玉骨。無意偶與閑雲行，中間態度自關鐮。剪裁不斷還相縈，徃徃筆不盡點綴藏道。緊初

疑不附着字字相倚角，二王沒後無草書。顛張醉素空糝糊，只除洛陽楊風子認得黃山趙蹇驢。

三峯山行

朔方善為幹腹兵，豈肯掠地還攻城。北王戰罷馬首迴，十年大軍不南行。西域既定殺李王，疾雷破柱關中驚。鷲鳥匿形深且蟠，汴梁不悟空椎冰。小關幸勝未足多，舉朝刻日期中興。都人盡喜識者懼，俄聞遠出西南路。突騎一夜過散關，漢江便着皮船渡。襄陽有兵隔岸看，鄧州無人渾不顧。縱入腹心將安歸，彼騎豈足當吾步。脫兔一去不可及，却兵洛澗符堅誤。日日鏖戰深且艱，我帥益忙敵亦間。

短兵相擊數百里孤窮闔甲盡殷直向虎穴探虎子既入
重地寧肯還掃境盡至欲一賭前後百匝相回環就中真
人有天命躍馬直上三峯山黑風吹沙河水竭六合乾坤
一片雪萬里投會卷土來鐵水一池聲勢接丞相舉鞭摔
鞞言大事已去吾死節彥章雖難敵五王并命入敵身與
決逆風生塹人自戰冰滿刀頭凍槍折一敗塗地真可哀
鈞臺變作髑髏血二十萬人皆死國至今白骨生青苔壕
塹已平不放箭城門着礮猶自開大臣壅蔽骨肉踈事急
又送曹王來至了不去誤國賊向非汝南死社稷欲為靖
康不可得

青城行

壞山壓城殺氣黑一夜京城忽流血弓刀合沓滿掖庭妃
主喧呼總狼籍驅出宮門不敢哭土淚滿面無人色戴樓
門外是青城匍匐赴死誰敢停百年涵育儘塗地死霧不
散昏青冥英府親賢端可憐白首隨例亦就刑最苦愛王
家兩族二十餘年不會出朝朝點數到堂前每向官司求
米肉男哥女妹自夫婦覩面相看冤更酷一旦開門見天
日推入行間便誅戮當時築城為郊祀却與皇家作東市
天興初年靖康末國破家亡酷相似君取他人既如此今
朝亦是尋常事君不見二百萬家族盡赤八十里城皆瓦

礫白骨更比青城多遺民獨向王孫泣禍本骨肉相殘賊
大臣蔽君尤壅塞至今行人不歎承天門行人但嗟濠利
宅城荒國滅猶有十仞牆牆頭密匝生鐵棘

照碧堂行

熒惑入斗終下歿哭廟背城為一戰怒龍飛去轟霹靂震
碎乾坤掃孤電倉皇不乘破竹勢苟且只與姦臣便旌旗
慘澹入宋州爭似全師祗守汴四郊皆壘彈丸城玩主潛
生肘腋變官奴闖茸本駕下輒敢鳴張學韓建宮中梟鏡
有小錘密結兇渠欲為亂公卿誅徒威權去左右俄空侍
衛換開門日日向敵言旦夕須將天子獻事急壯士能感

激決計惟當下手先卿為其易朕為難傳呼便詔將軍見
升堂進謁遽令前太阿倒持仍使看王敦但覺赤日壓全
忠甚駭浹背汗倚門力士驚馬眈眈面無肉色復肉膾膽定
徐徐索劍還徑斫逆賊肩胛斷照碧堂紅血滿壁手刃不
覺御衣濺顧眄堂與誓就禽禁驛忽清袂霧散此時便亡
心亦足外敵雖強無內難臨危突兀翦強臣絕地求生未
曾見古來惟有敬宗奮袂誅爾朱今朝天興援劍斫官奴
壯哉兩君萬古無嗚呼兩君萬古無

汝南行

將軍死綏君社稷炳烺義所不可惑青衣行酒豈能活肉

袒牽羊祗辱國初從貞祐弃燕雲赤氣半天開斗極又絕
西夏撒藩垣枝葉縱存無本實不問朔漠攻蘄黃敗盟要
利增讎敵區區一道當數面賦稅重繁兵後急宮闈意忌
踈骨肉陪貳從諛專壅塞此時久已當破滅况復奔播何
嗟及天興不是亡國主不幸遭逢真可惜十年嗣位稱小
康若比先朝少遺失汴梁不守大事去黃陵潰散焉敢北
險阻艱難氣益振照碧堂中親討賊孤軍轉戰入汝南作
氣蟠鋒轉深壁日夜望有勤王師以廢為興賴忠力闚關
誰意叛武仙感慨從為歎仲德雙雞旣盡麴胥空重圍益
堅負戶汲池戰水涸還登陴城墮斫樹埋巷柵空拳無皮

短兵盡戰士嚼齒猶憤激譙門闕碎尤甚肉薄似牆當
劔戟雖知力竭不可救氣數儘窮心未畢慨然傳位誓衆
死音彩凜凜不動色一百餘年作天子與國俱亡在今日
哀哉雉頸復自楚將相血視不敢泣互為拏髻相割刀往
往刎頸屍狼籍須臾衆踣若崩山汝水不流波盡赤黑風
裂天灰燼飛紅雪亂攪深數尺島中自殺五百人義烈只
數田橫客何國君君死國臣死君數萬同死死所得還聞
露布到江南城南夾攻平汝南莫言解復九世解三韓有
靈應益慚

金源千節士歌

金源氏播遷以來至于國亡得節義之士王剛忠
公等十人皆死事死國有古烈士之風可以興起
末俗振作貪懦其名字官階始終行業自有良史
其大節之嶷嶷磊磊在人耳目雖耕夫敗婦牛童
馬走共能稱道者作歌以歌之庶幾揄揚激烈由
其音節見其風采云天興諸臣國亡無史不能具
官故皆祇以當世所稱者如郭蝦蟇仲德行院等
書之俟國史之出當為釐正云

王子明

讀書便與張漫之手及姦斃血寫詩幾回投筆重咨嗟章

句小儒安足為時危始作通州守賊臣遽獻居庸口千群
鐵騎遠燕都王輦倉皇下殿走孤城彈丸當畿甸飲血登
陣日酣戰晉明逗留南八回拊髀張拳面迎箭日暈忽破
城無址失守何顏見天子朝服南嚮再拜畢意色不動握
節死詔為立祠謚剛忠稱道更有閑閑公突兀義與巡遠
同千載凜凜烈士風

移刺都

金源大將重移刺義烈膽勇絕世無渥注霜蹄誤一蹶長
萬忽中金僕姑思歸不忍遯逃去立功報效同關羽雄猛
已取左右忌姦兇叵測憂且暮曹泳不免劫齊桓賢王慷

慨許送還聯鑣南下三千里義如子反與華元負鎖梁園
見天子猛士來師盡驚喜再賜節鉞還部曲光彩騰騰滿
旗尾獨當一面帥南陽誰知鬼域不可防忽然羅織斬東
市市人盡哭斛律光自壞長城撤棟梁剪殘羽翮速滅亡
嗚呼移刺都可惜烈丈夫擊殺騏驎跨蹇驢却相白撒將
官奴

郭蝦蟆墓

不援西夏弃燕都本根顛蹶藩籬踈不都長安都汴梁為
愛青屋能久長隴上豪山山西將憂國無言意惆悵中興
不居用武帝君臣苟且吾何望郭公堂堂性忠勇自拒洮

河保秦鞏數年尚得建行臺金城堅牢華嶽聳誰知自報
小關捷總倚潼關為守阨渾將梁宋作龜茲便視秦梁等
吳越西州漸孤敵漸多四郊皆壘奈敵何將軍百戰氣尤
壯頭顱擲血為洗戈野無戰地始乘城城傾堞圯接短兵
先將妻置子草園坐東萬矢著死爭鏃箭相銜如雨注敵
人却走不敢顧彎弓入園始自焚飛矢出園渾燎羽灰飛
城陷力始竭賢王立祠稱壯烈王師十萬下馬拜競擗馬
鞭聲咄咄黃河都為苦淚流隴山自此無顏色峩峩大將
節凜凜死國名英靈在天為列星祇應汝南破滅時却從
煙焰見天興臣自焚各得死所古未聞

合答平章

乘輿已播遷乾坤在孤注維時忠盡有合答應敵東西無
定佳職兼將相為國損身繫安危如尚賊國白撒深冒嫉
小臣獻讒極諂附飛章誣陷罷兵柄幾把功臣薦刀鋸子
儀召入奉朝請彥章不用大事去事急復起使迎敵即日
二道無喜怒并命塵戰來報捷每從中制肘屢掣手峽關透
漏幹腹出大河絕流兩軍接天欲亡人不可為六合橫傾
數丈雪人自為戰身伴僵空拳無皮凍槍折人竭慷慨赴
敵死死恨不能存社稷至今三峯山白骨盡銜鐵老臣一
片憂國心慘澹悲風與寒月

陳和尚馬

陳侯膽勇絕世無也曾深入身陷敵一夕躍馬却南歸追
騎畏威不敢及入朝復便為大將鈴閣蕭然見襟量征南
素有春秋癖禮接士夫尤退讓深知敵情屢獻策常談不
用心怏怏憂國密坐時拊髀揮淚無言重惆悵三峯失利
還被執植立不拜尤憤激彼此皆帥敗則死稚碎兩脛終
不屈臨終大呼邈吉烈豹死留皮在今日壯哉國士當代
無一死又勝移刺都

烏古孫道原

金源國士多國人與國俱死皆大臣百年涵育重名義况

復舉是主室親中都失守有福興大梁當亡仲寧道原尤
有聲道原氣比二相直立朝凜凜盡忠赤京師根本寄天
下致力一死乃其職誰知崔立便反城豈能復作褚淵生
都堂一夜血浸屍矐視國賊目不瞑家中復有貞義女父
死于君女死父踣力懸梁義不辱罵賊投繯有餘怒一門
忠貞古未有名節俱全義不朽從今莫把夷狄看中原幾
人能自守

仲德行院

士窮見節義國亂出忠勇仲德帝室胄虎文將家種儼儼
靜且深辦事不賴寵帝聞彭城有逆節詔公密取不敢世

臨行斬首挂馬鞍萬衆不謹皆妥帖仗鉞東南當一面寇
去看書寇來戰中樞大府無人聲儒將威名滿淮甸甫臨
秦鞏遮長安大軍失利三峯山徑穿敵壘數千里乘輿已
出空淚潛過門不入急赴難紀園直向黃河岸照碧堂空
幸汝南賊臣新誅衛士散自古未有降天子君臣血視付
一死夫人徒步自拔來命婦般礮自我始夫婦死國無與
侔至今聞者涕泗流

絳山奉御

田橫得士大都從死五百人島中悲歌天下聞天興君臣
數萬同日死自古得士誰得似至今汝水澁不流冤波苦

浪漂髑髏高官厚祿義當死裨將賤卒果誰使乃知義烈
能感激致命竭力無被此幽蘭軒中自焚日宦人乃有魏
御直慨然正色責承御俱從煙焰蹈火入尚衣秦御絳山
奴殺馬毀玉如袁克撥灰向敵葬主骨敵人義之亦垂泣
君不見漢唐閣豎從紛紛劫制朝綱紊宮闈英風突兀惟
此君千載凜然應不泯

李豐亭

士為有用學有志終有為先生乃不幸一第當時危腐儒
苟且皆畏避奔走要門求內地赳赳冀得斗升祿覩面祇
為妻子計先生守官聽銓選不避畏途羞自便一通詰命

令城父即駕柴車出畿甸甫能到縣敵已至意色不動即
視事排牆拔樹為守禦馬嘶動地人鼎沸團兵僅得二千
人開門轉戰箭滿身見星塵出據大林人蔽一樹氣益振
弓折矢盡樹無枝重圍百匝何所依飲血復鼓更格闖揮
戈慷慨指落暉力竭衆斃付一死以死報國真烈士君不
見汴梁諸生不出門手把付身皆餓死

李伯淵

天王出居委社稷城門不開人相食內外音塵俱斷絕
合長園事尤急賊臣一夜忽為變舉城應敵遽傳箭政事
堂中誅二相部曲謹呼上前歿京城提控便稱王鹵莽欲

學張邦昌公然入宮辱妃嬪輒據御座着柘黃伯淵忠壯
賊黨畏飲泣無言重啟赦烏合不久相屠并討賊誅讎在
此際宮前古槐是獨柳馬上便梟崔立首剖心灑血哭向
天義氣凜凜古未有主人已亡國難興讎耻既雪歸同盟
不幸漫遇襄陽漬一死兩朝全令名常聞汴梁父老說當
時不受江南節便亡儘可作純臣金源義士第一人此是
春秋責賢意但能殺賊都不計況漫去就死生皆得所英
聲自足垂千古

題項王墓

黃公廟西穀城北突兀一丘埋項籍誰知道傍幾抔土却


解銷沈拔山力天下苦秦又一秦天資好殺不好仁古來
鬪將皆莫及當時帝王自有貞江東子弟亦良苦本自亡
秦却亡楚不渡烏江亦天意免使東南為漢虜時不利兮
可奈何可憐壯士亦悲歌臨亡焉用幾行淚倉皇灑向漢
山河魯人伏節付一死葬王故用魯公禮規模往往近三
代天命宜歸赤帝子往年聞有沙丘士推牛致祭重流涕
墓前作文哀項籍不知所哀竟何事漢王入關無項王不
王諸侯不殺降約法開關各罷兵一伐大定武與湯漢王
纔入項王來天下盡為狼與豺嗚呼遺民端可哀項王宜
怨不宜哀

靈泉行

乙卯秋八月及行臺嚴公獵于東山遂會于鳳山之靈泉故賦二詩

赤雲夾日騰清暉太陰殺氣纏海電元戎小隊數百騎金
鑣玉勒紅牙旗長鞭一點陣偃月稍騎兩合前山圍查牙
折角獲捷鹿模糊生血禽孤羆霜蹄剝落落澗石飢燕亂
掠秋草飛應弦霹靂壘破碎掇拾挂馬皆纍纍一川錯草
半山赭空穴破家妖狐悲將軍推仁亦中恒弛弓服矢收
神威力士下馬各數獲從官解劍稱酒卮山河慘澹生壯
觀乾坤突兀增雄音溶溶喜色動歸路滿城樓觀重煙霏

蕭蕭弓劍秋山行老玉破碎前相迎石蛇遠徑入煙樹一
天忽在青山層三巖鼎峙勢欲墜元氣突兀彊拄撐相君
坐定從官列游子乘輿窮其登穿雲石磴上方遠忽入洞
窟行幽冥黑風吹衣出大隧泉源湛徹光泚清脩然澣弄
曾次豁一旬流盡千年醒憑高悠悠肆遐矚天宇曠闊秋
毫明泰山西來忽中斷翳翳桑土西南平湏臾搥鼓震虛
谷樽酒坐嘯還同傾醉歌扣碎一明月欲入碧海騎長鯨



修川文集卷之十一
二十五

卷之三